

四庫全書

史部

欽定四庫全書

欽定皇輿西域圖志卷三十二

屯政

臣等謹按籌邊之策將使兵食兼足舍屯政無由
第時異勢殊泥古者或乖實用則隨宜立制之道
尚焉漢鼂錯建議募民徙塞下已兆屯田之法至
宣帝遣故將吏屯田張掖而屯政日開自時厥後
若擊先零討李憲取伊吾復三郡凡有軍興必修

屯政然而師行則舉師旋則廢議者徒備一時權
宜而未得經久承行之利魏晉以降間或行之內
地亦旋興旋罷立制鮮籌盡善我

皇上耆定西陲闢門以西蔥嶺以東版章式廓於滌瑕
蕩穢之餘圖生養安全之計

聖天子仁宏亭育智燭遐荒為之授田里謀保聚殫
宥密於巖廊咨儆之間而人人自得於流沙萬里之外
固非舊隸版籍之哈密鎮西府屬所能限矣爰於

準部自今迪化州至伊犁回部自闐展至哈喇沙
爾擇其地之近泉源傍河漬者翦萊塋土以布物
宜且劑其歲收之數自給官兵廩糈外儲贏餘以
資增墾先後屯種大著成效由是山北推之晶河
庫爾喀喇烏蘇塔爾巴噶台諸境山南推之烏什
阿克蘇諸城調派武職以專其成特置重臣以董
其事良法美意曠古罕聞竊謂西域屯政之善實
有所以超漢軼唐者如充國虞詡之策重華李絳

之謀意在籌軍實謹邊防耳今則各部臣民願編郡縣銷戈戟鑄農器以蒐獮之剩卒為耕堡之上農餉不空糜地無遺利康阜鴻休垂諸無極况昔之屯田或給耒耜或假耕牛非仰給於官即抑配於民經費甚鉅今則且耕且駐無俟招集流亡在兵在民不必官支農具史書俵牛括牛之弊種種俱絕不惟腹地不資轉運而給餼之美陳陳相因減費更廣無他漢唐之屯政專為養兵而未能兵

民並濟漢唐之屯政專為供戰而未能戰守兼宜
乃者程功簡而收利溥沙磧之區絕無棄地瀉鹵
之土盡變膏腴甚至移郊寄棘之徒從事耕耘並
以贖堡餬口荒裔悉成樂土自昔服疇力穡之化
有被及無外如

今日者爰舉新疆屯田經制現在處所按地詳載
而歲入之額戶口之籍皆附之志屯政第十

欽定四庫全書

欽定皇輿西域圖志卷三十二目錄

屯政一

哈密

塔爾納沁
牛毛湖

蔡巴什湖

鎮西府

朴城子
木壘奇臺
古城

吉布庫

迪化州

五堡
瑪納斯
昌吉
羅克倫
濟木薩

庫爾喀喇烏蘇

晶河

塔爾巴噶台

伊犁

欽定皇輿西域圖志卷三十二目錄

欽定四庫全書

欽定皇輿西域圖志卷三十二

屯政一

按安西州為靖逆赤金柳溝安西沙州五衛地
舊屬軍民屯種之所自

本朝裁衛改設府縣後地畝久經定額陞科惟瓜州
踏實小灣三堡舊居土爾番回人乾隆二十一
年移歸土爾番所遺地畝招佃承種每戶地三

十畝官給籽種牛具秋成後扣存籽種外以什
之四輸官至二十五年亦經定額陞科編入民
賦故茲編所載斷自哈密屬始

哈密

塔爾納沁

屯田七千三十畝 乾隆二十四年置五千六百
七十畝二十五年增五百畝二十七年減一百
七十畝三十二年增一千三十畝如今額

管屯都司把總外委各員於哈密協標屬營內派撥無定額

屯兵一百七十名 乾隆二十四年設屯兵二百名二十七年裁三十名如今額

遣犯 乾隆二十七年派一百三十名現無增減
按塔爾納沁屯田于乾隆二十一年由總督黃廷桂奏請于黃墩營撥兵二百名試墾二十三
年並以哈密卡倫兵二百名試墾均有成效于

二十四年開屯設兵為定制

土宜小麥胡麻菜子糜青稞

收穫 乾隆二十四年收穫九分二釐二十五年

收穫九分八釐二十六年收穫十分二十七年

收穫八分二十八年收穫六分八釐二十九年

收穫十分三釐三十年收穫十分六釐三十一

年收穫六分二釐三十二年收穫七分二釐三

十三年收穫六分八釐三十四年收穫七分二

釐三十五年收穫七分三十六年收穫七分三
釐三十七年收穫七分五釐三十八年收穫七
分五釐三十九年收穫七分七釐四十年收穫
八分一釐四十一年收穫七分九釐四十二年
收穫八分一釐

按收穫分數或以籽粒計或以畝計惟是籽粒
土宜不一布種多寡復以地殊積算參差難于
合會茲載收穫分數概以畝計每畝以斗起分

以畝收一石為十分合各種土宜統計成分庶
編紀畫一覽若列眉而歲入糧儲之實數亦緣
是可考見云

蔡巴什湖

屯田四千六十五畝 乾隆二十七年置三千畝
三十三年增一千六十五畝如今額

管屯把總外委各員于哈密協標屬營內派撥無
定額

屯兵一百名 乾隆二十七年設

遣犯 乾隆二十七年派五十名

土宜小麥穀糜

收穫 乾隆二十七年收穫六分二十八年收穫

七分二釐二十九年收穫七分四釐三十年收

穫八分四釐三十一年收穫十一分二釐三十

二年收穫九分六釐三十三年收穫九分三釐

三十四年收穫九分八釐三十五年收穫九分

六釐三十六年收穫九分六釐三十七年收穫
九分八釐三十八年收穫九分八釐三十九年
收穫九分五釐四十年收穫九分八釐四十一
年收穫八分八釐四十二年收穫八分九釐

牛毛湖

屯田二百五畝 乾隆三十二年置

管屯把總一員

係蔡巴什湖
把總兼轄

屯兵十名 乾隆三十二年設

土宜小麥豌豆

收穫 乾隆三十二年收穫六分一釐三十三年
收穫八分一釐三十四年收穫九分七釐三十
五年收穫九分七釐三十六年收穫九分八釐
三十七年收穫九分八釐三十八年收穫九分
八釐三十九年收穫九分七釐四十年收穫九
分五釐四十一年收穫九分八釐四十二年收
穫九分六釐

按牛毛湖屯田於乾隆三十一年初由蔡巴什
湖管屯把總姚成仁私墾成熟查出入官嗣後

照例撥兵屯種

後漢書西域傳永平十六年取伊吾廬地置宜禾

都尉以屯田建初二年罷屯田伊吾元初六年遣
行長史索班將千餘人屯伊吾永建六年帝以伊
吾舊膏腴之地傍近西域匈奴資之以為鈔暴復
令開設屯田如永元時事

按哈密在漢時為伊吾盧地自明帝迄順帝其
屯田興廢之蹟有可考者地宜五穀桑麻香棗
蒲萄準諸禹貢厥田上上故漢常置田官於此
以控制西域焉元并天下兼有西陲甘肅瓜沙
以西皆置屯田與塔爾沁相近明初封元裔
忠順王於此頗修軍屯至嘉靖間委之於土爾
番於是乎關門不啟敦煌以西名犂沃野俱置
之度外矣不隸

聖朝疆索安能睹原濕龍鱗之盛歟

鎮西府

即巴爾庫勒

朴城子

屬宜禾縣

屯田一萬八千七百畝 乾隆二十三年置二萬

九百畝 二十五年增一百畝 二十六年增一千

畝 二十七年裁七千七百畝 三十一年增二千

二百畝 三十二年增二千二百畝 如今額

管屯遊擊千總把總外委各員於巴爾庫勒鎮標

屬營內派撥無定額

屯兵五百名 乾隆二十三年設一千名二十七年裁六百名三十一年增一百名如今額

遣犯 乾隆二十七年派二百五十名三十二年增一百名現三百五十名

土宜小麥豌豆青稞

收穫 乾隆二十三年收穫五分七釐八毫二十四年收穫六分九釐九毫二十五年收穫六分

八釐七毫二十六年收穫六分七釐二十七年
收穫四分七釐二十八年收穫五分一釐二十
九年收穫七分三十年收穫七分六釐三十一
年收穫八分三毫三十二年收穫八分五釐三
十三年收穫八分二釐五毫三十四年收穫八
分二釐七毫三十五年收穫八分二釐九毫三
十六年收穫九分三十七年收穫八分五毫三
十八年收穫八分三十九年收穫八分五釐四

十年收穫八分五釐四十一年收穫七分一釐
四十二年收穫七分三釐

按乾隆二十三年於鎮西府屬之朴城子及奎
蘇二處開設兩屯調派甘州涼州西寧肅州寧
夏固原河州七提鎮營官兵一千名統以副將
遊擊守備諸員經理屯務至三十六年十月將
前派官兵撤回並裁減奎蘇一屯別派巴爾庫
勒鎮標遊擊各員管理如今制

古城

屬奇
臺縣

屯田一萬二千一百畝 乾隆三十七年置八千

畝三十八年增四千一百畝如今額

管屯遊擊千總把總各員係古城本營專轄

屯兵五百五十名 乾隆三十七年設四百名三

十八年增一百五十名如今額

土宜小麥豌豆

收穫 乾隆三十七年收穫十三分九釐三十八

年收穫十四分三十九年收穫十三分九釐四
十年收穫十三分六釐四十一年收穫十二分
一釐四十二年收穫十二分三釐

木壘奇臺

屬奇
臺縣

屯田一萬畝 乾隆三十一年置二千二百四十
畝三十二年增七千七百六十畝如今額

管屯守備千總把總各員於巴爾庫勒鎮標屬營
內派撥無定額

屯兵五百名 乾隆三十一年設二百名三十二年增三百名如今額

土宜小麥青稞

收穫 乾隆二十一年收穫九分二釐三十二年收穫二十三分三十三年收穫十二分七釐三十四年收穫二十四分二釐

按乾隆三十一年屯木壘兼東濟爾瑪台三十二年屯奇臺兼西濟爾瑪台三十三年屯奇臺

兼吉布庫三十四年屯奇臺木壘兼東葛根畧
仿古一易再易之法至三十五年後專於吉布
庫開屯而統於古城營遊擊總理其木壘奇臺
等處屯田遺地均給民戶耕種

詳貢
賦門

吉布庫

屯田三千三百畝 乾隆三十五年置三千畝三
十八年增三百畝如今額

管屯都司守備千總把總各員於巴爾庫勒鎮標

屬營內派撥無定額

屯兵一百五十名 乾隆三十五年設

土宜小麥豌豆

收穫 乾隆三十五年收穫十三分三十六年收
穫十三分九釐三十七年收穫十四分三十八
年收穫十四分三十九年收穫十三分九釐四
十年收穫十三分六釐四十一年收穫十二分
一釐四十二年收穫十二分三釐

迪化州

即烏魯木齊

五堡

屬州

昌吉羅克倫

屬昌吉縣

屯田六萬五千三百四十八畝

乾隆二十五年

置八萬七千一百七十四畝二十六年增一百

六十三畝二十七年裁四萬六百畝二十八年

增二萬二千三百十九畝二十九年增六千一

百三十二畝三十年增二千一百三十畝三十

一年增一萬九千八百二十畝三十二年裁一

萬五千六百七十一畝三十三年增二萬三千
四百七十五畝三十四年裁五千三百五十八
畝三十五年裁八百九十六畝三十六年裁三
萬三千八百八十八畝三十七年裁四百七十
四畝三十八年增五千三百七十三畝三十九
年增二千八百四十四畝四十年裁七千一百
八十三畝如今額

管屯副將叅將遊擊都司守備千總把總外委各

員於烏魯木齊提標屬營內派撥無定額

屯兵三千一百九十五名 乾隆二十五年設四

千三百七十四名二十六年裁三百十八名二

十七年裁一千一百七十名二十八年增五百

四十五名二十九年增一百名三十年裁二百

名三十二年增二百四十九名三十三年增一

千五十一名三十六年裁一千名三十七年裁

四百二十名三十八年增六百五十九名三十

九年裁四十四名如今額

遣犯 乾隆二十七年派二十八名二十八年增

一百八十五名二十九年增一百二十三名三

十年增一百九十九名三十一年增六百八十

四名三十二年增四百二十七名三十三年增

一百一名三十四年裁三百六十七名三十五

年裁一百四十七名三十六年裁一千七十四

名三十七年增十五名三十八年裁二十五名

三十九年裁六十一名四十年增三名現八十
一名

土宜小麥粟穀胡麻青稞

收穫 乾隆二十五年收穫九分三釐二十六年
收穫八分三釐二十七年歉收止二分四釐二
十八年收穫十分二十九年收穫九分三釐三
十年收穫八分三十一年收穫七分九釐五毫
三十二年收穫七分八釐三十三年收穫八分

三十四年收穫八分五釐三十五年收穫八分
四釐三毫三十六年收穫七分二釐三十七年
收穫五分一釐三十八年收穫六分八釐三十
九年收穫六分八釐四十年收穫九分七釐四
十一年收穫九分九釐四十二年收穫九分三
釐

按烏魯木齊之五堡于乾隆二十三年屯兵八
百名試墾地八千畝收穫糧三千五百四十二

石五斗二十四年屯兵九百八十名試墾萬六千五百七十二畝收穫糧一萬零九十五石有奇當試墾之初猶未及昌吉羅克倫諸處也至二十五年次第興舉始為定制云

瑪納斯

屬綏來縣

屯田二萬八千二百畝 乾隆二十七年置一千七百畝二十八年增一千九百畝三十一年增二百四十畝三十二年增四千五百四十八畝

三十三年裁六百二十畝三十四年增一萬九千四十四畝三十五年裁五千五百五十六畝三十六年增一萬二千九百三十六畝三十七年裁一萬五千七百四十八畝三十八年舊屯增三千一百一十六畝又設新屯田一萬三千二百畝三十九年新屯增一千四百四十畝共新舊屯田二萬八千二百畝如今額

管屯遊擊都司守備千總把總外委各員由陝西

甘肅省調撥無定額

屯兵一千四百名 乾隆二十七年設一百八十
名三十二年增一百八十名三十三年裁四十
名三十四年增五百四十名三十五年裁三百
十五名三十六年增六百三十名三十七年裁
七百五十八名三十八年舊屯增一百六十名
設新屯兵六百六十名三十九年增新屯兵一
百六十三名共新舊屯兵一千四百名如今額

遣犯 乾隆三十一年派二十名三十二年增七
十名三十三年增十五名三十四年增十二名
三十五年增六十二名三十六年增二十八名
三十七年裁四十九名三十八年裁七十六名
三十九年裁四十名四十年裁十九名

土宜青稞小麥粟穀

收穫 乾隆二十七年收穫十三分二十八年收
穫十分一釐二十九年收穫十一分九釐三十

年收穫九分九釐三十一年收穫九分八釐三
十二年收穫十分一釐三十三年收穫八分五
釐三十四年收穫十一分五釐三十五年收穫
十分六釐三十六年收穫六分一釐三十七年
收穫七分三十八年收穫五分四釐三十九年
歉收止二分七釐四十年收穫十四分四十一
年收穫八分六釐四十二年收穫八分四釐

濟木薩

屬阜
康縣

屯田一萬五千一百畝 乾隆三十三年置二萬
畝三十六年裁一千畝三十七年裁二千八百
八十畝三十八年裁一千畝三十九年裁二十
畝如今額

管屯叅將遊擊守備千總把總外委各員於陝西
甘肅省調撥無定額

屯兵七百五十五名 乾隆三十三年設一千名
三十六年裁五十名三十七年裁一百四十四

名三十八年裁五十名三十九年裁一名如今
額

土宜青稞穀粟小麥

收穫 乾隆三十三年收穫九分九釐三十四年
收穫九分七釐三十五年收穫九分七毫三十
六年收穫六分八釐三十七年收穫八分六釐
三十八年收穫八分四釐三十九年收穫十四
分四十年收穫十三分四十一一年收穫十二分

四十二年收獲十二分三釐

後漢書耿恭傳永平十七年以恭為戊己校尉屯

後王部金蒲城西域傳永興元年車師後部王阿

羅多與戊部侯嚴皓不相得攻圍漢屯田且固城

按迪化州屬東阜康縣西昌吉綏來縣皆南係

天山山泉北流滙為長河其最著者曰烏魯木

齊河特納格爾河濟木薩河呼圖克拜河瑪納

斯河昌吉河羅克倫河分流浸潤膏澤土田一

州三縣地咸資灌溉更以從古游牧之區糞種
得諸自然是以歲收倍稔也迪化州境即烏魯
木齊于漢為蒲類國地唐為北庭都護府之後
庭縣其東境博什奇勒克城為漢車師後部之
金滿城即唐金滿縣地本毗接後漢耿恭屯田
金蒲即金滿為今烏魯木齊昌吉羅克倫一帶
膏腴之壤至西域傳所載且固城雖不可考然
考後漢時戊部侯固居車師後部者是以車師

後王得而攻之則其地亦當與今烏魯木齊為

近

庫爾喀喇烏蘇

屯田三千六百三十六畝 乾隆二十七年置五

千四百畝三十年裁一千八百畝三十一年增

二百二十八畝三十二年增一千二十畝三十

三年增十二畝三十四年裁九十六畝三十五

年裁九十六畝三十六年裁六百三十六畝三

十七年裁二百五十二畝三十八年增七十二畝三十九年裁一百四十四畝四十年裁七十二畝如今額

管屯都司守備千總把總外委各員由陝西甘肅省調撥無定額

屯兵一百八十名 乾隆二十七年設二百七十一名三十年裁九十名如今額

遣犯 乾隆三十一年派十九名三十二年增八

十五名三十三年增一名三十四年減八名三十五名減十二名三十六年減五十三名三十七年減二十七名三十八年增十二名三十九年減十二名四十年減九名現三名

土宜小麥粟穀青稞

收穫 乾隆二十七年收穫八分九釐二十八年收穫九分九釐二十九年收穫八分七釐三十年收穫八分三釐三十一年收穫八分六釐三

十二年收穫八分二釐三十三年收穫八分七釐三十四年收穫八分七釐三十五年收穫十分三釐三十六年收穫七分三十七年收穫六分五釐三十八年收穫六分五釐三十九年收穫九分八釐四十年收穫十一分九釐四十一年收穫十一分一釐四十二年收穫八分二釐

晶河

屯田三千三百六十畝 乾隆二十七年置四千

五十畝二十八年增一千三百五十畝三十年
裁一千八百畝三十一年增一百九十二畝三
十二年增一千四十四畝三十三年裁八十四
畝三十四年增六百四十八畝三十五年裁八
百十六畝三十六年裁六百三十六畝三十七
年裁一百六十八畝三十八年裁一百九十二
畝三十九年裁一百八十畝四十年裁四十八
畝如今額

管屯都司千總把總各員由陝西甘肅省調撥無

定額

屯兵一百六十八名 乾隆二十七年設二百七十名三十年裁九十名三十七年裁六名三十八年裁六名如今額

遣犯 乾隆三十一年派十六名三十二年增八十七名三十三年減七名三十四年減十二名三十五年減二名三十六年減五十三名三十

七年減四名三十八年減六名三十九年減二
名四十年減四名無存

土宜小麥青稞粟穀

收穫 乾隆二十七年收穫十一分二十八年收
穫十分六釐二十九年收穫九分八釐三十年
收穫八分八釐三十一年收穫七分五釐三十
二年收穫七分二釐三十三年收穫七分三十
四年收穫七分五釐三十五年收穫十分九釐

三十六年收穫七分二釐三十七年收穫六分
二釐三十八年收穫六分一釐三十九年收穫
八分七釐四十年收穫十二分六釐四十一年
收穫十分一釐四十二年收穫八分六釐

塔爾巴噶台

屯田一萬七千畝 乾隆三十年置一萬八百畝
三十四年增七千二百畝三十六年裁七千二
百畝三十八年增四千三百二十畝三十九年

增二千八百八十畝四十年裁一千畝如今額
管屯遊擊守備千總把總外委各員由陝西甘肅
省調派無定額

屯兵八百五十名 乾隆三十年設五百四十名
三十四年增三百六十名三十六年裁三百六
十名三十八年增二百十六名三十九年增一
百四十四名四十年裁五十名如今額

土宜小麥胡麻青稞

收穫 乾隆三十年收穫七分八釐三十一年收
穫七分六釐三十二年收穫十一分八釐三十
三年收穫十四分五釐三十四年收穫十五分
七釐三十五年收穫十六分三十六年收穫十
一分一釐三十七年收穫十五分三十八年收
穫十三分八釐三十九年收穫十三分一釐四
十年收穫十四分四十一一年收穫十二分八釐
四十二年收穫八分一釐

伊犁

屯田五萬五百八十八畝 乾隆二十六年置一
萬六千畝二十七年增四千畝二十九年增一
百八畝三十年增三十二畝三十二年增一萬
二十四畝三十三年增六千四十八畝三十四
年增七十二畝三十五年增六千七十二畝三
十六年增八千一百二十畝三十七年增六百
畝三十八年裁一千四百八十八畝三十九年

增三十六畝四十年增三十六畝如今額

總理屯務總兵及管屯叅將遊擊都司守備千總
把總外委各員由陝西甘肅省調派無定額

屯兵二千五百名 乾隆二十六年設八百名二
十七年增二百名三十二年增五百名三十三
年增三百名三十五年增四百名三十六年增
四百名三十八年裁一百名如今額

遣犯 乾隆二十九年派九名三十年增三名三

十二年增二名三十三年增四名三十四年增
六名三十五年增六名三十六年增十名三十
七年增二名三十八年增一名三十九年增三
名四十年增三名現四十九名

土宜大麥小麥糜穀青稞

收穫 乾隆二十六年收穫十六分五釐二十七
年收穫十四分三釐二十八年收穫十七分六
釐二十九年收穫十七分五釐三十年收穫十

九分四釐三十一年收穫十二分三十二年收
穫十八分三釐三十三年收穫十八分八釐三
十四年收穫十六分三十五年收穫十八分六
釐三十六年收穫十八分七釐三十七年收穫
十七分三十八年收穫十七分二釐三十九年
收穫十七分二釐四十年收穫十六分二釐四
十一年收穫十五分八釐四十二年收穫十六
分一釐

按伊犁東南北三面負山地勢平廣土膏饒厚
地有三河一空格斯河出納拉特嶺之北西北
行一哈什河出哈喇古顏山西南行一特刺斯
河出汗騰格里山東北行各三百餘里滙為伊
犁河經流其地西北入海支渠數十道分溉民
田地氣和暖為山北沃壤乾隆二十五年令阿
克蘇回人三百名攜帶籽種偕同綠營官兵如
法試種計種黍米籽種九十石五斗得收穫黍

米千一百三十三石有奇種粟米籽種二百一十一石得收穫粟米二千六百二十二石爰于二十六年開屯設兵為定制其回民受田之戶論籽種不計頃畝每戶各種二麥一石穀黍五斗二麥收穫約二十分有奇黍穀收穫約四十分有奇定以歲輸十六石為額餘則聽收以資養贍與世業無異云

又按伊犁之地前代設屯史傳無明文漢書稱

其地莽平多松栲又言其俗不田作種樹隨畜
逐水草與匈奴同非土田硤确不可樹藝亦其
人之不務農業自遺地利耳茲幸入

聖朝幅宇荷鍤如雲土地日闢時和歲稔稔黍盈餘
十數年以來休養生息民庶物阜烏孫故壤始
熙熙然成大都會矣

欽定皇輿西域圖志卷三十二

欽定四庫全書

史部

欽定皇輿西域圖志卷三十三
四

詳校官通政使^臣夢吉

檢討^臣德生覆勘

總校官候補中允^臣王燕緒

校對官中書^臣吳樹萱

謄錄監生^臣褚兆麟

欽定四庫全書

欽定皇輿西域圖志卷三十三目錄

屯政二

關展

哈喇和卓

托克三

哈喇沙爾

烏什

阿克蘇

戶口附

欽定皇輿西域圖志卷三十三目錄

欽定四庫全書

欽定皇興西域圖志卷三十三

屯政二

按山南回部舊地自闢展以西武功者定後於
乾隆二十二年始事耕屯經駐防闡展大臣定
長等進麥萬穗

宸翰親裁以著綏豐之盛嗣是年和人樂以回民之夙
習農務較準俗惟資畜牧者尤宜且稱而伊古

車師輪臺渠犁之遺蹟亦緣是可考証云

闢展

屯田一萬三千六百三十三畝 乾隆二十四年

置一萬七百五畝二十五年增二千九百二十

八畝

管屯都司守備千總把總各員由陝西甘肅省調

派無定額

屯兵八百名 乾隆二十四年設

土宜麥青稞豌豆粟穀

收穫乾隆二十四年收穫六分五釐二十五年收
獲十五分九釐

哈喇和卓

屯田六千畝 乾隆二十四年置四千五百畝二
十五年增一千五百畝

管屯遊擊及千總把總各員由陝西甘肅省調派

無定額

屯兵三百名 乾隆二十四年設

土宜小麥青稞粟穀

收獲乾隆二十四年收獲五分五釐二十五年收

獲九分二釐

托克三

屯田一萬四千二百五十三畝 乾隆二十四年

置一萬一千八十二畝二十五年增三千一百

七十一畝

管屯叅將守備千總把總各員由陝西甘肅省調
派無定額

屯兵一千名 乾隆二十四年設

土宜小麥晚豆粟穀

收穫乾隆二十四年收穫四分一釐二十五年收
穫七分五釐

按關展南臨沙山北距大山一百里秋冬山間
積雪入夏消融流注南麓滲於沙土離關展城

五六里許復出地上是為泉源泉眼星羅碁錯約十數處去城里許匯合成渠名闢展郭勒屈曲而南地勢就平渠流散漫凡近渠之地咸引水灌溉其高阜則水所不到專資雨澤也哈喇和卓水源出北山下經由沙磧漫衍而南出金嶺口匯為大渠入哈喇和卓郭勒分道諸堡田畝資其灌溉托克三水凡二道一發源於東面大山之麓湍泉漫流沙磧間經一百五十餘里

匯入河流一發原於烏魯木齊之東山積雪所
融流注南行離城二十里許與泉水合為托克
三郭勒藉溉田畝於乾隆二十二年試墾地六千
五百五十畝二十三年增墾地一萬一千一百
五十畝二十四年設兵開屯如制嗣於乾隆二
十六七兩年經辦事大臣次第奏請給與土爾
番回民為世業歲納額租

詳貢
賦門

御製駐防闡展屯田大臣定長等奏進所獲麥萬穗詩

以紀事

載戢西瀛已定功戍耕伊始慶綏豐夏收萬穗先來進
秋熟千屯預報芄實粟惟堪嘗以彘既安那更役如熊
開疆逾遠心隨遠總為祈年宵旰中

按闢展在漢屬狐胡國地與車師隣接前代設
屯與否史無明文今以地位考之狐胡與漢車
師柳中地接當漢屯田車師後漢屯田柳中時
必兼舉之矣或謂東漢時歸義建威二十七所

屯田在伊吾之西伊吾為今哈密如其說則當

與闐展相近今詳考之歸義諸屯當在漢西海

廢郡居延故城元為額齊訥

舊作亦集乃今改正路至元開額

齊訥總管忽魯多言所部有田可以耕作乞以新軍三百人鑿哈濟渠於額齊訥地并以傍近民西僧餘戶助其力從之計屯田九十餘頃即漢歸義屯等處也

明屬陝西行

都司今在甘州之北哈密之東而云在伊吾西者非也

漢書西域傳昭帝時匈奴使四千騎田車師宣帝

遣五將將兵擊匈奴車師田者驚去地節二年漢
遣侍郎鄭吉校尉司馬熹將免刑罪人田渠犂積
穀吉奏事至甘泉有詔還田渠犂及車師益積穀
以安西國於是吉始使吏卒三百人別田車師單
于大臣皆曰車師地肥美漢得之多田積穀必害
人國不可不爭也果遣騎來擊田者吉迺與校尉
盡將渠犂田士千五百人往田上書言願益田卒
公卿議以為道遠煩費可且罷車師田者其後置

戊己校尉屯田居車師故地

後漢書耿恭傳 謁者關寵為戊己校尉屯前王柳
中西域傳 延光二年以班勇長史將弛刑士五百
人西屯柳中

按哈喇和卓托克三今屬闐展在漢為車師前
王地其屯田積穀與匈奴爭逐之蹟有可考者
漢書稱其地肥美可以多田而積穀後漢班勇
西屯柳中即今魯克察克在昔為車師國地東

境也又今關展屬境於北魏為高昌北史言高昌厥土良沃穀麥一歲再熟由今核之似與昔殊蓋緣沙磧之壤以雪為水源肥饒磽瘠視水勢之盈涸靡有定則也又按宋王延德高昌行紀云其地產五穀惟無蕎麥有水出金嶺導之周繞國城以溉田園作水碓今授回民為世業以耕以藝古法具在多田積穀惟勤則不匱耳

哈喇沙爾

屯田七千四百四十畝 乾隆二十三年置四千
一百四十五畝二十四年增五千五百三十五
畝二十五年增三十二畝二十六年裁一千九
百八十八畝二十七年裁二千五百十畝二十
八年增一千十一畝二十九年增八百十畝三
十二年增一千五畝三十五年裁一千畝三十
八年增四百畝如今額

管屯叅將遊擊都司守備千總把總各員於陝西

甘肅省調派無定額

屯兵三百六十二名 乾隆二十三年設二百七
名二十四年增二百七十七名二十五年增一
名二十六年裁一百四十四名二十七年增五
十六名二十八年裁五十四名二十九年增九
名三十二年增四十名三十五年裁五十名三
十八年增二十名如今額

土宜粟穀小麥青稞

收穫乾隆二十三年收穫六分四釐二十四年收
穫十五分二釐二十五年收穫九分八釐二十
六年收穫十一分二十七年收穫三分六釐二
十八年收穫八分五釐二十九年收穫六分二
釐三十年收穫九分六釐三十一年收穫八分
七釐三十二年收穫九分八釐三十三年收穫
八分四釐三十四年收穫八分三釐三十五年
收穫六分七釐三十六年收穫四分五釐三十

七年收穫五分六釐三十八年收穫七分三十
九年收穫七分二釐四十年收穫六分九釐四
十一年收穫七分四十二年收穫六分七釐

漢書西域傳自敦煌西至鹽澤往往起亭而輪臺

渠犁皆有田卒數百人置使者校尉領護以給使
外國者征和中搜粟都尉桑弘羊與丞相御史奏
言故輪臺以東捷枝渠犁皆故國地廣饒水草有
溉田五千頃以上處溫和田美可益通溝渠種五

穀與中國同時熟可遣屯田卒詣故輪臺以東
置校尉三人分護各舉圖地形通利溝渠務使
以時益種五穀田一歲有積穀募民壯健有累敢
徙者詣田所就畜積為本業益墾溉田昭帝用桑
弘羊前議田輪臺輪臺與渠犂地皆相連也

按哈喇沙爾北至天山一百四十餘里南至海
都郭勒四里海都郭勒源發北山下紆曲南行
二百五十里當哈喇沙爾西南境冬春河身廣

及一里夏秋漲發輒三四里引渠灌溉屯墾地
畝其地為古焉者漢書稱其國近海水多魚北
史亦言焉者土田良沃穀有稻菽粟麥去海千
餘里有魚鹽蒲葦之饒今自哈喇沙爾至漢輪
臺渠犁屯田處約四百餘里在庫車以東所謂
廣饒水草有溉田五千頃以上者也更以水經
注考之輪臺最西即所謂龜茲東川水東南流
逕於輪臺之東者也連城稍東即所謂敦薨水

西南流連城別注裂以為田者也渠犂更東即所謂敦薨水又屈而南逕渠犂國西又東南流逕渠犂城漢武帝屯渠犂即此處也其實地皆毗連相去不過幾百里在今哈喇沙爾之西南庫車之東南依往跡以尋其塋隴當必有良疇美土蕪穢於沙碛中者盡人力以收地利顧可不講歟

烏什

屯田八千畝 乾隆三十一年置二萬畝三十二年裁一千畝三十三年裁四千畝三十四年裁三千畝三十五年裁二千畝三十六年裁二千畝如今額

管屯副將都司守備千總把總各員由陝西甘肅省調派無定額

屯兵四百名 乾隆三十一年設一千名三十二年裁五十名三十三年裁二百名三十四年裁

一百五十名三十五年栽一百名三十六年栽
一百名如今額

土宜小麥大麥豌豆糜

收穫乾隆三十一年收穫八分六釐三十二年收
穫九分八釐三十三年收穫九分九釐三十四
年收穫九分二釐三十五年收穫九分五釐三
十六年收穫九分九釐三十七年收穫九分四
釐三十八年收穫九分三釐三十九年收穫九

分四釐四十年收穫九分三釐四十一年收穫
九分四釐四十二年收穫九分五釐

按乾隆三十二年阿克蘇稻田移於烏什試種
收穫九分二釐旋因地寒水冷不宜稻穀即於
三十三年仍移阿克蘇

阿克蘇

稻田一百五十畝 乾隆二十七年置如今額
管屯遊擊把總即駐防武職不另派

屯兵十五名 乾隆二十七年設

收穫乾隆二十七年收穫二十二分二十八年收

穫二十三分二十九年收穫二十八分三十年

收穫二十七分九釐三十一年收穫二十二分

三釐

三十二年移
烏什見前條

三十三年收穫三十分三十

四年收穫三十五分一釐三十五年收穫三十

五分三十六年收穫三十分二釐三十七年收

穫三十四分三釐三十八年收穫三十三分九

釐三十九年收穫三十五分二釐四十年收穫三十一分八釐四十一年收穫三十七分二釐按阿克蘇稻田於乾隆二十六年經辦事大臣以地當孔道供支往還星使及內附藩臣有酌宜筵宴處需用稻米請於葉爾羌運籽試種自二十七年為始每歲收穫盈餘運交烏什糧員配給官俸數取足用而止與他處講求地利博資民用者不同也抑_臣等竊見武功告成之後

即從事設戍開屯用以綏遠固圉長治而久安
策莫善於此恭讀

御製回部貢金詩序拳拳於井牧之方駐守屯種取足
供支既不擾內地之一絲一粟役中土之一丁
一夫蠲彼橫徵登諸社席以視前代骨都戍已
僕僕轉餉坐耗物力者固不可同年語矣而又
為之立賞罰之條嚴勸課之則使荷戈擐甲之
夫轉而緣南畝者罔不爭先踴躍思盡地力即

一屯政而我

皇上之知周道濟坐照萬里之外者蓋如此

戶口附

前者準夷底定掃穴犁庭逆者勒之順者撫之衰
延萬里疆宇廓清爰為屯兵駐守招集回部及甘
州民戶分地而居而於烏魯木齊昌吉羅克倫伊
犁諸處計畝耕作蓋屯墾之丁男即西域之戶籍
也回部雖村城絡繹碁布星羅幾於烟火相望然

闡展左右其居民先經避患空城內徙全部歸誠
後於闡展哈喇和卓托克三哈喇沙爾諸處亦如
準噶爾部之移民開屯漸歸殷庶從此天山南北
一體涵濡休養生息日以繁滋計口宜什倍於此
而目前固未為定額也爰附屯政以徵大略至安
西州哈密鎮西府人民雖舊隸戶籍亦均備載自
嘉峪關外始為茲編類例云

安西州

二千四十一戶 二萬六千八百二十一名口

敦煌縣

屬安西州

二千四百五戶 二萬九千五百二十名口

玉門縣

屬安西州

一千四百九十八戶 一萬四千一百四十四名

口

哈密

回民一千九百五十戶 一萬二千一百六十三

名口

按哈密人民由內地來此貿易無土著不脛載

鎮西府

舊為巴爾庫勒

宜禾縣

屬鎮西府

六百九十七戶 二千五百九十六名口

奇臺縣

屬鎮西府

一千九百九十四戶 六千八百二十四名口

迪化直隸州

舊為烏魯木齊

三千四百九十六戶 一萬六千六百三十一名

口

昌吉縣 屬迪化州

四千三百三十二戶 一萬九千七百三十四名

口

綏來縣 屬迪化州

二千二百五十二戶 七千六百二十四名

阜康縣 屬迪化州

四千三百五十戶 一萬八千四百五名口

伊犁

舊住額魯特三千五百十六戶 一萬一千七百

三十七名口乾隆四十二年全移赴塔爾巴噶

台居住

土爾扈特一百零四戶 四百四十七名口乾隆

四十二年全移塔爾巴噶台居住

土爾扈特屬下二十九鄂拓克舊戶八百三十八

戶 三千五百七十三名口 乾隆四十二年全

移塔爾巴噶台居住

土爾扈特屬下喇嘛一千零八十戶 四千八百

五十三名口

土爾扈特屬養種地之額魯特六千五百十四

名口

回戶六千四百零六戶 二萬三百五十六名口

民戶七十一戶 二百零九名口

遣犯為民二百四十四名口

按駐防滿洲蒙古錫伯索倫察哈爾諸兵雖攜眷居住未可與彼中戶同論不備登

博羅塔拉

土爾扈特屬泰養種地額魯特八百二十七名口

裕勒都斯

游牧土爾扈特屬額魯特一萬一千二百十九名

口

和博克薩里

游牧土爾扈特屬額魯特二千八百六十三名口

古爾班濟爾噶朗

游牧土爾扈特屬額魯特二千八百六十三名口

古爾班晶庫色木什克

游牧土爾扈特屬額魯特一千三百五十九名口

哈布齊核

游牧和碩特屬額魯特三千一百十五名口

塔爾巴噶台

額魯特戶三千五百十六戶 一萬一千七百三

十七名口乾隆四十二年自伊犁移住

土爾扈特一百零四戶 四百四十七名口乾隆

四十二年自伊犁移住

土爾扈特屬下二十九鄂拓克舊戶八百三十八

戶 三千五百七十三名口乾隆四十二年自

伊犁移住

按庫爾喀喇烏蘇除安設屯防官兵外止有行
商無土著民戶不備登

漢書西域傳烏孫國戶十二萬口六十三萬 烏

貪訾離國戶四十一口二百三十一 單桓國戶二十七

口百九十四 蒲類國戶三百二十五口二千三十二

蒲類後國戶百口千七十 車師後王國戶五

百九十五口四十七百七十四 車師都尉國戶四十

口三百三十三 車師後城長國戶一百五十四口

九百六十

後漢書西域傳蒲類國戶八百餘口二千餘移支
國居蒲類地戶七百餘口三千餘車師後王居務
塗谷領戶四千餘口萬五千餘戊校尉閻詳更立
阿羅多為王將卑君還敦煌以後部人三百帳別
屬役之食其稅帳者猶中國之戶數也

北史西域傳悅般國住龜茲北衆可二十餘萬

唐書突厥傳有執舍地處木昆婆鼻三種者舉所

部數千帳與賀魯皆內屬突騎施烏質勒西突厥
別部也自賀魯破滅二部可汗皆先入侍烏質勒
能撫下諸胡順附帳落寢盛突厥施別種車鼻施
吸蘇祿者裒拾餘衆至二十萬於是復雄西域及
其破滅有特厖勒居焉者城餘部保金莎領衆至
二十萬沙陀傳貞元中沙陀部七千帳附吐蕃元
和三年悉衆三萬落款靈州塞回鶻傳那頡吸收
赤心衆七千帳東走振武大同貞觀二年西突厥

乙失鉢孫曰夷男率部帳七萬附頡利可汗地理志北庭大都護府戶二千二百二十六口九千九百六十四

按準噶爾為漢烏孫全境悅般居龜茲國北應在伊犁河環抱之間擁衆稱雄戶口甲於他國尋以準噶爾作孽之故強食弱衆凌寡幾於地廣人稀伏讀

御製後勒銘伊犁碑文憫彼淪亡期於休息瘵疴保抱

反覆勤拳由是佃田宅宅起凋瘵而康阜之生
養繁息蒸蒸日盛可握竿而知漢之蒲類前後
國唐之北庭地擅膏腴為今迪化州屬一帶屯
種之區是以境非遼遠而戶口則視小國為加
多至於車師後國都尉國後城長國烏貪訶離
國單桓國雖與車師前國相屬而地居山北在
烏魯木齊東境博克達山之陰是亦今之準噶
爾部地為類見於此以備考

闡展

回民二千九百三十七戶 一萬三百七十三名

口

按闡展諸城內地行商各戶非土著不備登

哈喇沙爾

回民一千一百三十戶 五千三百九十名口

庫車

回民一千一百十二戶 四千二百六十名口

沙雅爾

回民六百七十三戶 一千八百九十八名口

賽喇木

回民五百戶 一千六百二十七名口

拜

回民五百六十三戶 一千七百三十五名口

阿克蘇

回民七千五百六戶 二萬四千六百七名口

烏什

回民八百二十二戶 三千一百五十八名口

喀什噶爾

回民一萬四千五十六戶 六萬六千四百十三

名口

葉爾羌

回民一萬五千五百七十四戶 六萬五千四百

九十五名口

和闐

回民一萬三千六百四十二戶 四萬四千六百

三名口

漢書西域傳鄯善國戶千五百七十口萬四千一

百 且末國戶二百三十口千六百一十 小宛

國戶百五十口千五百 精絕國戶四百八十口

三千三百六十 戎盧國戶二百四十口千六百

一十 扞彌國戶三千三百四十口二萬四千

渠勒國戶三百一十口二千一百七十 于闐國
戶三千三百口萬九千三百 皮山國戶五百口
三千五百 西夜國戶三百五十口四千 蒲犂
國戶六百五十口五千 依耐國戶一百二十五
口六百七十 無雷國戶千口七千 難兜國戶
五千口三萬一千 莎車國戶二千三百三十九
口萬六千三百七十三 疏勒國戶千五百一十
口八千六百四十七 尉頭國戶三百口二十三

百 姑墨國戶三千五百口二萬四千五百 温

宿國戶二千二百口八千四百 龜茲國戶六千

九百七十口八萬一千三百一十七 烏墨戶百一

十口千二百 渠犁城戶百三十口千四百八十

尉犁國戶一千二百口九千六百 危須國戶

七百口四十九百 焉耆國戶四千口三萬二千

一百 卑陸國戶二百二十七口千三百八十七

卑陸後國戶四百六十二口千一百三十七

郁立師國戶百九十口千四百四十五 西且彌
國戶三百三十二口千九百二十六 東且彌國
戶一百九十一口千九百四十八 劫國戶九十
九口五百 狐胡國戶五十五口二百六十四
山國戶四百五十口五千 車師前國戶七
百口
六千五十

後漢書西域傳子寘國領戶三萬二千口八萬三
千 西夜國戶二千五百口萬餘 子合國領戶

三百五十口四千 德若國領戶百餘口六百七十
十 疏勒國領戶二萬一千 焉耆國戶萬五千
口五萬二千 東且彌國戶三千餘口五千 車
師前王居交河城領戶千五百餘口四千餘

唐書西域傳貞觀十四年侯君集伐高昌分兵略

定凡三州五縣二十二城戶八千口三萬地理志

西州交河郡戶萬九千一十六口四萬九千四百

七十六

按回部人民城郭宮室其與山北畜牧寇鈔往來遷徙無常者為俗較殊自逆酋竄獲以後所部名城投戈獻款版齒滋豐較之漢唐史傳所紀直倍蓰過之而樂利之庥臻乎富庶由是而思從風翔德與澤沛戶籍日見其繁昌仁義彌深其漸被以古不羈縻之地而為

聖朝向化之區何其盛哉

欽定皇輿西域圖志卷三十三